

definitione temporis diei novissimi, alienissimam esse cupiunt, ideo Ecclesie Christi iudicio eam subijciunt, & alijs viris doctis ulterius de eâ cogitandi occasionem suppeditatam volunt, uti præ cæteris D. Phil. Nicolai *facit l. 2. de regn. Christi c. 1.* qui terminum N. T. posuit annum 1670, (confer quæ in hanc sententiam habent B. Lutherus in *comm. cap. 12. Danielis in Bibl. Germ. Herbrandus in Compend. ist. de consum. seculi*, Imagnum tamē apud omnes pios meritò momentum habet vox Christi *Actor. 1. v. 7. & Mar. 13. v. 32* de die illo vel hora nemo scit neque angeli in cælo neque filius nisi Pater, quantæ ergò temeritatis esset certi quid de huius temporis termino prædicere?

9. Vel *δογματὸς κῶς* sumitur, & hoc modo notat scripta Apostolorum, & doctrinam Christianam in Ecclesia Christi sonantem, quæ hanc ob causam superædificata dicitur super fundamentum Apostolorum *Eph. 2. v. 20. Apoc. 21. v. 14.* ministeriale videl. cum ad huc aliud principale habeat fundamentum, petram illam solidissimam Christum Jesum, qui in citato loco Paulino *ex Psal. 118. v. 22.* summus angularis lapis vocatur, fundamentum, præter quod aliud nemo ponere potest, *1. Cor. 3. v. 11.* Vel *διαθετικὸς*, & iterum in sensu totali notat fœdus N. T. inter Deum & homines sancitum de gratiâ in Christo mediatore exhibitâ, veraque fide nobis apprehendenda *Ierem. 31. v. 32. Heb. 8. v. 8. seq.* in sensu verò partiali Sacramenta N. T. exprimit, sic Baptismus dicitur *ἰπερώτημα*, stipulatio, Oecumenio pignus & *Arharbo, Luthero, der Bund eines guten Gewissens mit Gott* *1. Pet. 3. v. 21.* in Eucharistiâ sanguis N. T. *Matt. 26. v. 28.* ubi probè notant Theologi comparationem propositionis Christi & Moyse *Exod. 24. v. 8.* quæ repetitur *Heb. 9. v. 20.* Rationem appellationis, quod hoc ævum illud vetus testamentum vocetur, quintuplicem, à solenni promulgatione, prioritate & posterioritate &c. desumptam videre licet apud *Dn Chemn. p. 3. Loc. Theol. p. m. 97.*

10. Hæc de *ὀνοματολογία*, sequitur *πραγματολογία* ipsa, quæ erit vel *absoluta* vel *comparativa*; illa *ἀνεὺ συγκρίσεως* utrumque testamentum considerat, hæc utriusque convenientiam & differentiam examinat. *Vetus itaque testamentum nihil aliud est quam pactum legis divinae in monte Sinai inter Deum & populum Israeliticum magnâ solenni*